



Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

Affischa

Suprastanza cumünala dals 4.12.2017

Presidi: Peer-Puorger Victor
Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri

Absaint:

Protocol: Fallet-Taverna Marco
Fabrica: Paulmichl-Rodigari Albin

Giast/s:

tractandas	tema	responsabel
172	012 Executiva Acconsentimaint protocol	tuots
173	020 Administraziun cumünala Revisiun parziala reglamaint d'organisaziun	vp/mf
174	020 Administraziun cumünala Revisiun parziala uorden da personal	vp/mf
175	020 Administraziun cumünala Revisiun parziala uorden da taxas	vp/mf
176	932 Part cumünala per permiss e patentas Permiss d'ustaria Ustaria Liun a Strada, Susanne Laurent	mf
177	021 Administraziun da fabrica Dum. da fabrica no. 056/2017, via da velos Ovella-cunfin (2. etappa, Ovella-Prà Dadora), cumün da Valsot, parcelas no. 6061, 6066, 6070 e 6071, 7560 Martina	vp/ap
178	021 Administraziun da fabrica Dum. da fabrica no. 043/2017, stanza d'inscunter e tschuffa da laina, Andrighetti-Jenal Jachen, parcella 6451, Giassa d'Immez, 7559 Tschlin	vp/ap
179	021 Administraziun da fabrica Contrat da dret da fabrica cun la bacharia Zanetti, parcella no. 10'426 a Quadra Secha	vp
180	620 Vias e plazzas in cumün Proget infrastruttura Salina-Bargia Dumonda da la corporaziun da bügl Salina	vp/ap
181	390 Baselgia Sunar oura l'on vegl e sunar aint l'on nouv a Silvester e Büman	fr/ap
182	012 Executiva Orientaziuns	tuots

012 Executiva
183 **Varia (suprastanza cumünala)**

tuots

012 Executiva

172 Acconsentimaint protocol

Il protocol da la sezzüda dals 27 november 2017 vegn approvà.

020 Administraziun cumünala

173 Revisiun parziala reglamaint d'organisaziun

La suprastanza repassa il reglamaint, il qual subischa ün adattamaint dals art. 1 (general), 9 (pensum da lavur capo cumünal), 11 (indemnisaziun presidi e commembers dal cussagl da scuola sco eir 14 (indemnisaziun per sezzüdas). Ultra da quai fa ella alchüns adattamaints linguistics. In seguit approvescha ella la revisiun parziala, la quala aintra in vigur a partir dals 1. da schner 2018.

020 Administraziun cumünala

174 Revisiun parziala uorden da personal

Causa la decisiun da la suprastanza a regard l'indemnisaziun pel temp da prontezza d'urant il piket sto l'uorden gnir adattà e quai l'art. 7. La suprastanza repassa la fatschenda ed in seguit decid'ella d'approvar la revisiun, la quala aintra in vigur sül 1. da schner 2018.

020 Administraziun cumünala

175 Revisiun parziala uorden da taxas

La suprastanza vaiva decis d'augmentar il fit per quintadurs d'aua da frs. 23.00 sün frs. 25.00, quai chi ha per consequenza cha l'art. 2.3 (taxa d'aua) sto gnir revis.

La suprastanza approvescha quella revisiun parziala, la quala aintra in vigur als 1. da schner 2018.

932 Part cumünala per permiss e patentas

176 Permiss d'ustaria

Ustaria Liun a Strada, Susanne Laurent

La petenta ha inoltrà la dumonda per manar l'ustaria Liun a Strada. La dumonda es munida culla documainta necessaria (extrat dal register penal, extrat dal register da scussiuns sco eir cumprova seg. ledscha d'ustaria chantunala, cha quella nun ha cuntrafat d'urant ils ultims 5 ons a la ledscha da vivondas). La suprastanza conceda quel permiss. La taxa vegn fixada sün frs. 200.00.

021 Administraziun da fabrica

177 Dum. da fabrica no. 056/2017, via da velos Ovella-cunfin (2. etappa, Ovella-Prà Dadora), cumün da Valsot, parcelas no. 6061, 6066, 6070 e 6071, 7560 Martina

Il manader tecnic preschainta la fatschenda e declera il proget in basa als plans avantman. I's tratta da construir la via da velos, seguond'etappa, sül traject Ovella-Prà Dadora. Da quai sun tangadas las parcelas cumünalas a Martina, manzunadas i'l titel. La suprastanza es perincletta cul trassè previs. Ils cuosts totals dal proget muntan seguond preventiv a var frs. 1,5 miu. Nos cumün sto quintar cun üna participaziun da frs. 113'100.00, la quala es resguardada i'l preventiv d'investiziun. Ils cumüns da Scuol e Zernez nun han amo resguardà lur sommas i'l preventiv. La basa pella participaziun fuorma la surfatscha tangada sül territori dal cumün pertoc. I's po quintar i'l meglder cas cun üna contribuziun chantunala da 60%, quai in vista chi's tratta qua d'ün proget d'importanza internaziunala. Reguard il fixar ils cuosts pel mantegnimaint esa previs d'observar la situaziun d'urant var 3 ons per ramassar cifras d'esperienza.

La suprastanza decida d'inoltrar la dumonda a l'uffizi chantunal pel proceder dal BAB.

021 Administraziun da fabrica

178 Dum. da fabrica no. 043/2017, stanza d'inscunter e tschuffa da Iaina, Andrighetti-Jenal Jachen, parcella 6451, Giassa d'Immez, 7559 Tschlin

La documainta cumplettada ed adattada, regard distanzas, masüras e.o.p. es uossa avantman. La dumonda es statta publichada ed i nu sun entrats ingüns recuors. Il permiss davart da l'uffizi da pulizia da

fö es medemmamaing avantman. La dumonda per fabricar plü dastrusch al terrain cumünal es avantman ed a quella aderischa la suprastanza.
In basa al manzunà decida la suprastanza da conceder il permiss da fabrica.

021 Administraziun da fabrica

179 **Contrat da dret da fabrica cun la bacharia Zanetti, parcella no. 10'426 a Quadra Secha**

La suprastanza repassa il sböz dal contrat e fa alchüns adattamaints. Plünavant decid'ella d'integrar in quel la pretaisa, cha la ditta Zanetti transferischa seis domicil i'l cumün da Valsot.
Il contrat vegn uossa suottamiss a la radunanza cumünala dals 13 da december 2017.

620 Vias e piazzas in cumün

180 **Proget infrastruttura Salina-Bargia**
Dumonda da la corporaziun da bügl Salina

La corporaziun da bügl Salina ha infuormà in scrit d'avair fat ponderaziuns che ch'ella voul far cul bügl. Seguond las offertas avantman per til sanar s'amuntan ils cuosts a raduond frs. 22'000.00. Davart da la chüra da monumaints chantunala as poja quintar cun üna contribuziun da 20%. Da la somma restanta crouda uschè ün import da raduond frs. 1'950.00 pro participant (9). Uossa dumondan quels, scha'l cumün füss pront da sanar il bügl e da til mantgnair. In oter cas dess il bügl gnir allontanà in connex cul proget da sanaziun da la via da Salina-Bargia. La suprastanza decida da desister da la sanaziun dal bügl. Quel as rechatta nempie in ün nosch stadi ed implü fuorma quel ün privel per uffants.

390 Baselgia

181 **Sunar oura l'on vegl e sunar aint l'on nouv a Silvester e Büman**

A Ramosch, Martina e Tschlin vegn sunà aint l'on nouv in möd electronic. A Strada vegnan sunats ils sains a man culla sua – quai seguond l'üsanza oriunda. Uossa dumondan quels da Vnà, schi nu pudess gnir sunà là a man culla sua e quai tanter las 16:00h (Silvester) e las 16:00h (Büman).

La suprastanza discuta la fatschenda chi's cristalisescha sco na tant clera, impustüt pervi dal privel. Scha'l cumün conceda per quai ün permiss, schi aintra quel in oblig da stuvair survagliar e controllar la fatschenda. Pro vegn, ch'in cas d'accidaints segna quel lura respunsabel. I nun es dimena, istess schi vegn in ün lö pratichà in quel möd o scha'l cumün conceda ün permiss.

La suprastanza riva a la conclusiun da refüsar la dumonda. Ella decida quai cun 3 : 2 vuschs.

012 Executiva

182 **Orientaziuns**

Preventiv 2018

Il capo as referischa amo üna jada al preventiv 2018. Quel es uossa miss in net ed il cudesch chi vain distribui als votants es avantman. El infuormescha cuort lasupra. A partir dals 6 december po quel gnir retrat.

012 Executiva

183 **Varia (suprastanza cumünala)**

Da la tractanda varia nun vegn fat adöver.

7556 Ramosch, 05.12.2017



Il capo:

Il manader administraziun:

[Handwritten signatures in blue ink]